

Concello de Xove

Expediente núm.: 299/2025

Procedemento: BASES DA CONVOCATORIA E CONCESIÓN DE PREMIOS DO IV CONCURSO FOTOGRAFÍCO DO DÍA MUNDIAL DO MEDIO AMBIENTE «Cal é o teu lugar preferido de Xove?» .

Documento asinado por: A SOCIÓLOGA

BASES REGULADORAS DA CONVOCATORIA PARA A CONCESIÓN DOS PREMIOS DO IV CONCURSO FOTOGRAFÍCO DO DÍA MUNDIAL DO MEDIO AMBIENTE: “Cal é o teu lugar preferido de Xove?”

O Concello de Xove, consonte ao previsto na Lei 9/2007, de 13 de xuño, de Subvencións de Galicia; Lei 38/2003, de 17 de novembro, Xeral de Subvencións e RD 887/2003, de 21 de xullo, co obxecto de, mediante a imaxe e a súa reflexión, potenciar o coñecemento do medio natural do Concello de Xove e incentivar a participación cidadá na protección do medio ambiente, establece as normas reguladoras da participación e os premios que se outorgarán aos participantes do IV Concurso Fotográfico do Día Mundial do Medio Ambiente consonte a:

PRIMEIRA.- DEFINICIÓN DO OBXECTO

Constitúe o obxecto das presentes bases a regulación do procedemento aplicable para o outorgamento dos premios do concurso de fotografía medioambiental organizado polo Concello de Xove “Cal é o teu lugar preferido de Xove” co gallo de poñer en valor todos aqueles lugares do Concello que non resultan especialmente coñecidos.

SEGUNDA.- REQUISITOS DOS PARTICIPANTES E SOLICITUDES DE PARTICIPACIÓN

Poderá participar no concurso e ser beneficiario dos premios calquera persoa.

A documentación a presentar será a seguinte:

-Folla de inscrición establecida ao efecto

-A folla de inscrición deberá presentarse no Rexistro de Entrada do Concello de Xove (presencialmente ou a través da sede electrónica: <https://xove.sedelectronica.gal/> desde o día 1 de maio ata o venres 23 de maio ás 00:00 horas.

A participación no presente concurso significa a plena aceptación destas bases.



Concello de Xove

TERCEIRA.- NORMAS DO CONCURSO

As fotografías poderán ser de calquera espazo natural (praia, campo, monte, río, xardín, árbore, pena.....) do Concello de Xove, e tamén poderán incluír a unha ou varias persoas realizando unha acción dentro desa contorna natural).

As fotografías enviaranse por correo electrónico, dentro do mesmo prazo que para o envío da solicitude ao enderezo medio.ambiente@xove.es, con indicación do nome da mesma, así como o número de rexistro de entrada da solicitude de participación ou folla de inscrición.

Todas as fotografías do concurso poderán ser expostas ou publicadas en internet ou impresas en folletos e publicacións de promoción do Concello de Xove, para súa difusión sen ánimo de lucro. As fotos seguirán sendo propiedade dos autores.

Cada participante poderá presentar un máximo de 3 fotografías, que deberá enviar en formato JPG e nun tamaño mínimo de 1 MG e máximo de 10 MG. A organización do concurso adaptará as fotografías á capacidade da rede na que vai ser publicada.

CUARTA.- CRÉDITO ORZAMENTARIO

A contía máxima destinada aos presentes premios é de **180 euros** (partida 1703.481 do Estado de Gastos do Municipal).

QUINTA.- SELECCIÓN DOS GAÑADORES/AS

O luns 26 de maio as fotografías dos participantes serán publicadas, por categorías, na páxina de Facebook do Concello de Xove, resultando gañadores aqueles autores das fotografías que acaden o maior número de “ME GUSTA” por categoría ata o martes 3 de xuño, ás 0:00h.

No caso de empate, a vencedora será a que conteña máis «ME ENCANTA».

Rematado o prazo, pola socióloga municipal acreditarase mediante informe o número e nome de todos os participantes. O nome da fotografía presentada e o número de “Me gusta” e no seu caso, “Me encanta” obtidos. Este informe terá o carácter de proposta de concesión do premio, e elevarase á Alcaldía, órgano competente para a concesión do premio.

-As/os gañadoras/es igualmente daranse a coñecer o mércores 5 de xuño, a través da mesma páxina de Facebook do Concello de Xove, así como na web www.xove.es



Concello de Xove

-O mesmo día (5 de xuño) comunicárase o día, hora e lugar no que se celebrará a entrega de premios ós/ás gañadores/as de cada categoría.

SEXTA.- PREMIOS

Existirán tres categorías de participación, dotadas cada unha cun premio en metálico de 60 euros á fotografía máis valorada:

- CATEGORÍA INFANTIL ---- ata os 12 anos.
- CATEGORÍA XUVENIL ---- de 13 a 17 anos (ambos incluídos).
- CATEGORÍA ADULTO ---- de 18 anos en diante.

A contía dos premios anteriores é líquida. De acordo co disposto no artigo 75.3 do RD 439/2007, de 30 de marzo, polo que se aproba o Regulamento do Imposto sobre a Renda das Persoas Físicas, non existe obriga de practicar retención por ningún dos anteriores premios, ao ser importes inferiores a 300,00 euros.

SÉTIMA.- NORMAS DE CONTROL E SEGURIDADE APLICADAS ÁS VOTACIÓNS EN FACEBOOK

O Concello de Xove como organizador do Concurso, resérvase a facultade de adoptar cantas medidas resulten oportunas para evitar calquera conduta da que a Organización sospeite que teña por finalidade ou efecto calquera intento de actuar en fraude da presente campaña ou no incumprimento das súas normas en prexuízo de outros participantes.

O Concello resérvase o dereito de invalidar, expulsar, eliminar ou non ter en conta no cómputo aqueles perfiles que considere sospeitosos de calquera intento de participación fraudulenta, incluído, a modo enunciativo e non limitativo, o intento de rexistro de máis dun perfil de usuario de Facebook por parte dunha persoa, creación de perfiles falsos ou usurpación de identidade.

Do mesmo xeito, o Concello resérvase o dereito de poñer calquera sospeita neste sentido en coñecemento da empresa responsable da plataforma Facebook, para que se adopten as medidas que correspondan. Igualmente, o Concello resérvase o dereito de emprender as pertinentes accións legais que puideran corresponderlle.

O Concello resérvase o dereito a descargar e excluír do concurso calquera resposta enviada polo usuario cando o considere oportuno.

OITAVA.- INFORMACIÓN ÁS/ÓS BENEFICIARIOS/AS DOS PREMIOS:



Concello de Xove

Con carácter xeral, os premios están incluídos no ámbito de aplicación da Lei 38/2003, de 17 de novembro, Xeral de Subvencións, polo que o Concello de Xove é un órgano obrigado a facilitar información da concesión dos presentes premios á Base de Datos Nacional de Subvencións. Igualmente, con carácter xeral, non obstante o establecido na Base Sexta (non existe obriga de practicar retención por ser inferiores a 300,00 euros), os premios están suxeitos ao IRPF segundo o establecido no artigo 75.2 do RD 439/2007, de 30 de marzo, sendo a Axencia Estatal da Administración Tributaria un dos órganos cesionarios dos datos rexistrados na Base de Datos Nacional de Subvencións en virtude da colaboración coa Administración Tributaria que establece o artigo 20 da Lei 38/2003, de 17 de novembro.

Non obstante, e de acordo co establecido no artigo 4 do RD 130/2019, polo que se regula a Base de Datos Nacional de Subvencións e a publicidade das subvencións e demais axudas públicas, non será obrigado subministrar por parte do Concello información das resolucións de concesión dos premios nin do pago dos mesmos sempre e cando o importe anual outorgado a un mesmo beneficiario/a non supere a contía total de 100,00 euros.

A SOCÍLOGA DO CONCELLO DE XOVE

ASINADO DIXITALMENTE Á MARXE

